



**KOMISIONI QENDROR I ZGJEDHJEVE**  
**KOMISIONERI SHTETËROR I ZGJEDHJEVE**

Drejtoria e Ligjshmërisë

Data	
Nr. Prot	

**RELACION**  
**PËR**  
**PROJEKTVENDIMIN**  
**PËR**

**PROCEDURËN E HEDHJES SË SHORTIT PËR PËRCAKTIMIN E RENDITJES SË SUBJEKTEVE**  
**ZGJEDHORE DHE KANDIDATËVE NË FLETËT E VOTIMIT NË ZGJEDHJET PËR ORGANET E**  
**QEVERISJES VENDORE**

**I. VLERËSIMI I LIGJSHMËRISË DHE HARMONIZIMI ME LEGJISLACIONIN NË FUQI**

Neni 20, pika 1, shkronja "a" e ligjit nr. 10019, datë 29.12.2008 "Kodi Zgjedhor i Republikës së Shqipërisë", të ndryshuar, ka parashikuar kompetencën e Komisionit Rregullator për të shqyrtuar dhe miratuar projektaktet me karakter normativ, të përgatitura nga administrata e KQZ-së ose nga anëtarët e tij, për rregullat e detajuara për organizimin dhe administrimin e zgjedhjeve dhe referendumeve, detyrat e administratës zgjedhore dhe procedurat që zbatohen në zgjedhje.

Neni 98, pika 5 ka parashikuar kompetencën e KQZ-së për organizimin e hedhjes së shortit për detyrimet që rrjedhin nga ky nen, menjëherë sapo të ketë përfunduar regjistrimi i listës shumëmemërore në KQZ apo, sipas rastit, në KZAZ. Rregullat për hedhjen e shortit përcaktohen me akt normativ të KQZ-së.

Në zbatim të dispozitave të sipërcituara, është hartuar projektvendimi "Për procedurën e hedhjes së shortit për përcaktimin e renditjes së subjekteve zgjedhore dhe kandidatëve në fletët e votimit në zgjedhjet për organet e qeverisjes vendore".

**II. PËRMBLEDHJE SHPIEGUESE E PËRMBAJTJES SË PROJEKTVENDIMIT**

Qëllimi i këtij projektvendimi është të përcaktojë rregullat për hedhjen e shortit për renditjen e subjekteve zgjedhore dhe kandidatëve në fletët e votimit në zgjedhjet për organet e qeverisjes vendore, duke u bazuar në parimin e transparencës dhe barazisë.

Renditja e subjekteve zgjedhore dhe e kandidatëve për kryetar të njësive të qeverisjes vendore në fletët e votimit bëhet me short. Për përcaktimin e renditjes së partive politike dhe koalicioneve zgjedhore të regjistruara si subjekte zgjedhore në fletën e votimit për këshillin e bashkisë, shorti bëhet njëherësh për të gjitha zonat zgjedhore. Në renditjen përfundimtare, kandidatët e propozuar

nga zgjedhësit për këshillin e bashkisë, vendosen pas renditjes së partive politike dhe koalicioneve zgjedhore. Në rast se për një zonë zgjedhore regjistrohen dy ose më shumë kandidatë të propozuar nga zgjedhësit renditja midis këtyre përcaktohet me short.

Në rast se në përfundim të hedhjes së shortit renditen njëri pas tjetrit subjekte zgjedhore të cilat kanë emrin zyrtar, emblemën (siglën) apo shkronjat nistore të përafërta dhe që mund të shkaktojnë konfuzion apo lajthitje të votuesit, me kërkesë të subjekteve, shorti mund të përsëritet jo më shumë se dy herë të tjera, deri në renditjen që nuk shkakton konfuzion te votuesit.

Për përcaktimin e renditjes së kandidatëve për kryetar bashkie në fletën e votimit për kryetar të bashkisë, shorti bëhet për çdo zonë zgjedhore (bashki).

Procedura e hedhjes së shortit për renditjen e subjekteve dhe kandidatëve në fletën e votimit përcaktohet nëpërmjet dy proceseve, parashortit dhe shortit. Në parashort përcaktohet radha ndërmjet subjekteve zgjedhore për të tërhequr numrin që do të ketë në fletën e votimit. Shorti përcakton numrin që do të mbajë subjekti zgjedhor në fletën e votimit. Parashorti dhe shorti zhvillohen sipas procedurës së mëposhtme:

- a) Parashorti zhvillohet si më poshtë:
  - i) KQZ-ja cakton një person nga administrata për procesin e parashortit,
  - ii) Përgatiten në shirita letre emrat e subjekteve zgjedhore pjesëmarrëse në short dhe sigurohen numër goglash i barabartë me numrin e shiritave. Shiritat e letrës janë të barabartë dhe verifikohen për saktësi nëpërmjet ekspozimit nga nëpunësi i administratës, nga të gjithë të pranishmit. Goglat duhet të jenë të së njëjtës ngjyrë, pa shenja apo shënime dhe të së njëjtës peshë e madhësi.
  - iii) Në tryezën ku hidhet shorti vendosen shiritat me numrat rendorë dhe goglat. Në secilën prej goglave futet nga një shirit letre e më pas, goglat futen në një enë transparente. Goglat përzihen me qëllim sigurimin e barazisë në përzgjedhje,
  - iv) Nëpunësi i administratës së KQZ-së, pasi i përziën goglat, tërheq një prej tyre, e hap, lexon emrin e subjektit zgjedhor që është shënuar në shiritin brenda saj dhe ia dorëzon Sekretarit të Përgjithshëm të KQZ-së,
  - v) Subjekti zgjedhor që është shënuar në shiritin e letrës brenda goglës së parë, do të jetë i pari që do të tërheqë goglën në shortin që do të zhvillohet sipas procedurës së përcaktuar në shkronjën “b”, të kësaj pike, e kështu do të vazhdohet deri në tërheqjen e të gjitha goglave brenda në enë.
- b) Shorti zhvillohet si më poshtë:
  - i) Përgatiten shirita letre ku në secilin prej tyre shënohet një numër duke filluar nga numri 1 (një) deri tek numri i barabartë me numrin e subjekteve zgjedhore

pjesëmarrëse në short dhe sigurohen numër goglash i barabartë me numrin e shiritave. Shiritat e letrës dhe goglat plotësojnë kriteret e nëndarjes “ii”, të shkronjës “a”, të kësaj pike. Shiritat verifikohen për saktësi nëpërmjet ekspozimit nga nëpunësi i administratës, nga të gjithë të pranishmit.

- ii) Në tryezën ku hidhet shorti vendosen shiritat me numrat rendorë dhe goglat. Në secilën prej goglave futet nga një shirit letre e më pas, goglat futen në një enë transparente. Goglat përzihen me qëllim sigurimin e barazisë në përzgjedhje.
- iii) Përfaqësuesit e subjekteve zgjedhore tërheqin nga ena një gogël sipas radhës së përcaktuar në parashort. Përfaqësuesi i subjektit zgjedhor hap goglën dhe lexon numrin që është shënuar në të. Ky numër do të jetë numri rendor që subjekti zgjedhor do të ketë në fletën e votimit për këshillin e bashkisë.

Pas përfundimit të shortit për renditjen e subjekteve zgjedhore në fletën e votimit për këshillin e bashkisë, organizohet shorti për renditjen e kandidatëve në fletën e votimit për kryetar bashkie.

Renditja e kandidatëve për kryetar të njësisë së qeverisjes vendore përcaktohet nëpërmjet shortit, sipas procedurës së mëposhtme:

- a) Përgatiten shirita letre të barabartë me numrin e kandidatëve të regjistruar për kryetarë të njësisë së qeverisjes vendore. Në secilin prej shiritave shënohen emrat e kandidatëve për kryetarë.
- b) Sigurohen numër goglash i barabartë me numrin e shiritave. Goglat duhet të jenë të së njëjtës ngjyrë, pa shenja apo shënime dhe të së njëjtës peshë e madhësi.
- c) Në secilën prej goglave futet nga një shirit letre dhe goglat futen në një enë transparente. Shiritat e letrës janë të barabartë dhe verifikohen për saktësi nëpërmjet ekspozimit nga nëpunësi i administratës, nga të gjithë të pranishmit.
- ç) Goglat përzihen me qëllim sigurimin e barazisë në përzgjedhje.
- d) Nëpunësi i administratës tërheq nga ena një gogël, e hap, nxjerr shiritin e letrës dhe lexon emrin e kandidatit të shënuar në të, duke e ekspozuar për të pranishmit. Emri i kandidatit që shënohet në shiritin e parë që tërhiqet, do të mbajë numrin 1 (një) në fletën e votimit. Kështu vijohet me radhë rritëse deri në tërheqjen e të gjitha goglave brenda në enë.

Administrata e KQZ-së mban procesverbalin për rezultatet e shortit.

Rezultati i shortit për renditjen e subjekteve zgjedhore dhe kandidatëve për kryetar bashkie në fletët e votimit për çdo zonë zgjedhore (bashki), miratohet me vendim nga Komisioneri Shtetëror i Zgjedhjeve.

Për sa më lart në këtë relacion, Komisioneri Shtetëror i Zgjedhjeve, brenda kompetencave të veta, dhe në respektim të detyrimeve e afateve ligjore të përcaktuara në ligjin nr. 10019, datë 29.12.2008, “Kodi Zgjedhor i Republikës së Shqipërisë”, i ndryshuar, i propozon për shqyrtim dhe miratim Komisionit Rregullator projektvendimin “Për procedurën e hedhjes së shortit për përcaktimin e renditjes së subjekteve zgjedhore dhe kandidatëve në fletët e votimit në zgjedhjet për organet e qeverisjes vendore”.

**Komisioneri Shtetëror i Zgjedhjeve**

**Ilirjan CELIBASHI**

Kopje: 3  
Afati i ruajtjes: 5 vjet  
Punoi:  
M.Koja \_\_\_\_\_  
A.Lamçe \_\_\_\_\_  
Y.Merkaj \_\_\_\_\_



REPUBLIKA E SHQIPËRISË  
KOMISIONI QENDROR I ZGJEDHJEVE

Komisioni Rregullator

Data: DD MM 2023

Nr: 00-00

Ora: HH:MM

PROJEKTVENDIM

PËR

**PROCEDURËN E HEDHJES SË SHORTIT PËR PËRCAKTIMIN E RENDITJES SË SUBJEKTEVE  
ZGJEDHORE DHE KANDIDATËVE NË FLETËT E VOTIMIT NË ZGJEDHJET PËR ORGANET E  
QEVERISJES VENDORE**

Në mbështetje të neneve 20, pika 1, shkronja "a", e 98, pika 5, të ligjit nr. 10019, datë 29.12.2008 "Kodi Zgjedhor i Republikës së Shqipërisë", të ndryshuar, me propozim të Komisionerit Shtetëror të Zgjedhjeve, Komisioni Rregullator,

**VENDOS:**

**Neni 1**

**Objekti**

Ky vendim përcakton rregullat për hedhjen e shortit për renditjen e subjekteve zgjedhore dhe kandidatëve në fletët e votimit në zgjedhjet për organet e qeverisjes vendore, duke u bazuar në parimin e transparencës dhe barazisë.

**Neni 2**

**Renditja e subjekteve zgjedhore dhe e kandidatëve për kryetar të njësive të qeverisjes  
vendore në fletët e votimit**

1. Renditja e subjekteve zgjedhore dhe e kandidatëve për kryetar të njësive të qeverisjes vendore në fletët e votimit bëhet me short.
2. Për përcaktimin e renditjes së partive politike dhe koalicioneve zgjedhore të regjistruara si subjekte zgjedhore në fletën e votimit për këshillin e bashkisë, shorti bëhet njëherësh për të gjitha zonat zgjedhore. Në renditjen përfundimtare, kandidatët e propozuar nga

Data: dd mm vvvv Nr: 123-456  
Ora: hh:mm



"Për procedurën e hedhjes së shortit për përcaktimin e renditjes së subjekteve zgjedhore dhe kandidatëve në fletët e votimit në zgjedhjet për organet e qeverisjes vendore"

zgjedhësit për këshillin e bashkisë, vendosen pas renditjes së partive politike dhe koalicioneve zgjedhore. Në rast se për një zonë zgjedhore regjistrohen dy ose më shumë kandidatë të propozuar nga zgjedhësit renditja midis këtyre përcaktohet me short.

3. Në rast se në përfundim të hedhjes së shortit renditen njëri pas tjetrit subjekte zgjedhore të cilat kanë emrin zyrtar, emblemën (siglën) apo shkronjat nistore të përafërta dhe që mund të shkaktojnë konfuzion apo lajthitje të votuesit, me kërkesë të subjekteve, shorti mund të përsëritet jo më shumë se dy herë të tjera, deri në renditjen që nuk shkakton konfuzion të votuesit.
4. Për përcaktimin e renditjes së kandidatëve për kryetar bashkie në fletën e votimit për kryetar të bashkisë, shorti bëhet për çdo zonë zgjedhore (bashki).

### **Neni 3**

#### **Veprimet paraprake përpara hedhjes së shortit**

1. Komisioni Qendror i Zgjedhjeve (KQZ) njofton përfaqësuesit e subjekteve zgjedhore për datën, vendin dhe orën e caktuar për organizimin e shortit.
2. Data, vendi dhe ora e zhvillimit të shortit publikohen në faqen elektronike zyrtare të Komisionit Qendror të Zgjedhjeve.
3. Mosparaqitja e ndonjë prej përfaqësuesve të subjekteve zgjedhore nuk pezullon procedurat e shortit. Në këtë rast, caktohet një nëpunës i administratës së KQZ-së, të realizojë procedurën e parashikuar në këtë vendim për subjektin zgjedhor, përfaqësuesi i të cilit nuk është i pranishëm.

### **Neni 4**

#### **Procedura e hedhjes së shortit për renditjen e subjekteve dhe kandidatëve në fletën e votimit**

1. Renditja për subjektet zgjedhore përcaktohet nëpërmjet dy proceseve, parashortit dhe shortit. Në parashort përcaktohet radha ndërmjet subjekteve zgjedhore për të tërhequr numrin që do të ketë në fletën e votimit. Shorti përcakton numrin që do të mbajë subjekti zgjedhor në fletën e votimit. Parashorti dhe shorti zhvillohen sipas procedurës së mëposhtme:
  - a) Parashorti zhvillohet si më poshtë:
    - i) KQZ-ja cakton një person nga administrata për procesin e parashortit,
    - ii) Përgatiten në shirita letre emrat e subjekteve zgjedhore pjesëmarrëse në short dhe sigurohen numër goglash i barabartë me numrin e shiritave. Shiritat e letrës janë të barabartë dhe verifikohen për saktësi nëpërmjet ekspozimit nga nëpunësi i administratës, nga të gjithë të pranishmit. Goglat duhet të jenë të së njëjtës ngjyrë, pa shenja apo shënime dhe të së njëjtës peshë e madhësi.
    - iii) Në tryezën ku hidhet shorti vendosen shiritat me numrat rendorë dhe goglat. Në secilën prej goglave futet nga një shirit letre e më pas, goglat futen në një enë transparente. Goglat përzihen me qëllim sigurimin e barazisë në përzgjedhje,

- iv) Nëpunësi i administratës së KQZ-së, pasi i përzier goglat, tërheq një prej tyre, e hap, lexon emrin e subjektit zgjedhor që është shënuar në shiritin brenda saj dhe ia dorëzon Sekretarit të Përgjithshëm të KQZ-së,
  - v) Subjekti zgjedhor që është shënuar në shiritin e letrës brenda goglës së parë, do të jetë i pari që do të tërheqë goglën në shortin që do të zhvillohet sipas procedurës së përcaktuar në shkronjën “b”, të kësaj pike, e kështu do të vazhdohet deri në tërheqjen e të gjitha goglave brenda në enë.
- b) Shorti zhvillohet si më poshtë:
- i) Përgatiten shirita letre ku në secilin prej tyre shënohet një numër duke filluar nga numri 1 (një) deri tek numri i barabartë me numrin e subjekteve zgjedhore pjesëmarrëse në short dhe sigurohen numër goglash i barabartë me numrin e shiritave. Shiritat e letrës dhe goglat plotësojnë kriteret e nënndarjes “ii”, të shkronjës “a”, të kësaj pike. Shiritat verifikohen për saktësi nëpërmjet ekspozimit nga nëpunësi i administratës, nga të gjithë të pranishmit.
  - ii) Në tryezën ku hidhet shorti vendosen shiritat me numrat rendorë dhe goglat. Në secilën prej goglave futet nga një shirit letre e më pas, goglat futen në një enë transparente. Goglat përzihen me qëllim sigurimin e barazisë në përzgjedhje.
  - iii) Përfaqësuesit e subjekteve zgjedhore tërheqin nga ena një gogël sipas radhës së përcaktuar në parashort. Përfaqësuesi i subjektit zgjedhor hap goglën dhe lexon numrin që është shënuar në të. Ky numër do të jetë numri rendor që subjekti zgjedhor do të ketë në fletën e votimit për këshillin e bashkisë.
2. Pas përfundimit të shortit për renditjen e subjekteve zgjedhore në fletën e votimit për këshillin e bashkisë, organizohet shorti për renditjen e kandidatëve në fletën e votimit për kryetar bashkie.
3. Renditja e kandidatëve për kryetar të njësisë së qeverisjes vendore përcaktohet nëpërmjet shortit, sipas procedurës së mëposhtme:
- a) Përgatiten shirita letre të barabartë me numrin e kandidatëve të regjistruar për kryetarë të njësisë së qeverisjes vendore. Në secilin prej shiritave shënohen emrat e kandidatëve për kryetarë.
  - b) Sigurohen numër goglash i barabartë me numrin e shiritave. Goglat duhet të jenë të së njëjtës ngjyrë, pa shenja apo shënime dhe të së njëjtës peshë e madhësi.
  - c) Në secilën prej goglave futet nga një shirit letre dhe goglat futen në një enë transparente. Shiritat e letrës janë të barabartë dhe verifikohen për saktësi nëpërmjet ekspozimit nga nëpunësi i administratës, nga të gjithë të pranishmit.
  - d) Goglat përzihen me qëllim sigurimin e barazisë në përzgjedhje.
  - e) Nëpunësi i administratës tërheq nga ena një gogël, e hap, nxjerr shiritin e letrës dhe lexon emrin e kandidatit të shënuar në të, duke e ekspozuar për të pranishmit. Emri i kandidatit që shënohet në shiritin e parë që tërhiqet, do të mbajë numrin 1 (një) në fletën e votimit. Kështu vijohet me radhë rritëse deri në tërheqjen e të gjitha goglave brenda në enë.

4. Administrata e KQZ-së mban procesverbalin e rezultateve të shortit.

**Neni 5**  
**Rezultati i Shortit**

Komisioneri Shtetëror i Zgjedhjeve miraton me vendim rezultatin e shortit për renditjen e subjekteve zgjedhore dhe kandidatëve për kryetar bashkie në fletët e votimit për çdo zonë zgjedhore ( bashki).

**Neni 6**  
**Hyrja në fuqi dhe ankimi**

1. Ky vendim hyn në fuqi menjëherë dhe publikohet në faqen elektronike zyrtare të Komisionit Qendror të Zgjedhjeve.
2. Kundër këtij vendimi mund të bëhet ankim në Kolegjin Zgjedhor Gjyqësor pranë Gjykatës Administrative të Apelit Tiranë, brenda 5 (pesë) ditëve nga shpallja e tij.

**Ilirjana NANO**                      **Kryetar**

**Helga VUKAJ**                      **Anëtar**

**Arens ÇELA**                      **Anëtar**

**Dritan ÇAKA**                      **Anëtar**

**Muharrem ÇAKAJ**                      **Anëtar**